

東甌詩存卷三十三

國朝

徐

凝 字幼發號丞子永嘉人廩生
著有泉村集錄詩八十一首

結客少年場

幽并兒郎好游冶朱袷綠鞴飛黃馬道上相逢日已斜
鳴鞭並過漸離家俠氣由來重杯酒永夕椎牛復屠狗
尊前叱咤雜悲歌燈下起舞擊太阿酒闌天黑星低樹
出門何處報讐去

永嘉曾

唯近堂錄



公

國

國朝

東甌詩存

卷三十三

杯

○艷歌何嘗行

轉若風中蓬輕如水上舟飄飄安有極泛泛隨中流人
生天地間百年苦難過乃以七尺軀徒供萬古愁返景
不再東覆水不再收夙昔稱賢豪寂寞留一杯志氣凌
青雲貽譏於蜉蝣

○長歌行

弱齡負奇志素業鄙操觚十五學擊劍二十習陰符許
身赴龍庭落魄混狗屠忽聞羽書馳列校出飛狐慷慨
賦北征置酒別鄉閭百金裝馬鞍千金買轆轤天子開
明堂挾策干上都初厠羽林衛遂得長百夫分隸嫖姚

部鼓行効前駟突遇其驍騎轉戰如摧枯歸來血洗甲
白日光模糊小捷何足錄詔賜金僕姑將軍三出師功
與列侯俱拜印卽軍中眷渥一時無長安邸第間戟門
耀銅鋪下走附任安上客坐灌夫森森桃李輩一一府
中趨長子大長秋中男執金吾高堂十日宴錦障紫纓
毬車馬來如雲親戚相嘆吁

○古別離

留歡片時間置酒列高堂今日共聚首明日卽他鄉征
馬嘶北風僕夫候道傍浮雲黯無色原野何茫茫草木
淒以腓白露下爲霜主人前贈言客子更盡觴人生艱

06875

06896

聚首睽違固其常念我平昔親能不摧衷腸

述懷四首

錄二

素心寡所諧日與塵俗疎望古緬遐寄稟志欲焉如卜
隱南山南桑麻間野蔬室懸宗生圖案列老氏書閉戶
輒累月碧草盈堦除秋山足陰潦風雨霽敞廬白雲溪
上來就我檐下居閒爲梁父吟箕坐觀太虛

落日下崇阿層陰起林樾臨高勞遠盼之子在天末浮
雲暮北征翔鳥雲際沒眷彼凌風翰中心劇飛越壯夫
志四方夙昔負竒骨諒乏徒侶欺何必悲契濶君看衛
冠軍初爲廝養卒

游羅峯寺

薄暮披涼風濯足清溪陰涼風吹衣裳溪水澄人心疎
雨生夕霏丹霞夾叢林女蘿相紛披金碧泛深沉幽源
深九曲石壁削千尋苔蘚留古色乳竇滴清音悠然諸
天暝歡言薦瑤琴

秋日雜咏二首

錄一

獨坐心不懌振策陟崇峭宿雨海色蒼新晴雲物妙爽
氣振陵苔逸籟鳴澗篠城郭起寒烟島嶼映返照時謝
見貞脆心悲展憑弔來者復爲誰昔人不我詔悠悠望
終古攬袂起長嘯

西興懷古

春江無安流橫舟凌洪濤登岸縱流覽但見蓬與蒿窈窕幕井枯屹屹土城高落日沒戰場長風鳴騷騷往者
灞上師志本無堅操一挫已塗地自命皆人豪徒令後
來者歎息爲爾曹

錢塘雜咏二首

枯桑多悲風哀絲無緩節誰能寒不慄誰能鬱不結委
身於蕩子明眸泣離別生少被統綺盛年蒙冰雪虛枕
積魂夢隙月鑿圓缺

沉慮積秋霄假寐難及旦耿耿空牀月流輝錦衾爛飛
霜入簾中薄寒生枕畔賤妾抱孤貞夫壻戀久宦朱顏
比舜華旦夕見凋換豈無一書札托彼隨陽雁

雜詩二首

錄一

離緒緣秋來晨餐不遑食攬衣出門望衆木黯無色元
雲淪白日高樓蔽西北人情有苦樂我獨抱憂戚形影
自相弔徘徊隨所歷陰蛩含聲悲寒莎承淚積繁霜被
山岡秉質非松柏

行路難

澆愁滿酌濁酒尊拔劍爲歌行路難北風繞膝吹促節
白日忽見元霜繁憶昔盛年慷慨慕游俠北走燕趙南

吳越吳越自來多俊民
燕趙不少悲歌人
自愧一身在路岐
沉吟南北無相知
莫言衽席卽親愛
貧賤妻兒還見棄
莫言眼底俱悠悠
黃金多時意氣投
丈夫七尺不
自立
靦顏向人何復益

西陵曲

西陵古道油壁車
西陵女兒顏如花
春游共綰青絲鬢
水上紅裙色似霞
王孫白馬玉爲鞭
修儀織服正妙年
相逢無語各回首
腸斷垂楊翠館邊

杭城元夕篇

江風捲雨霽江城
城上明月排雲生
月明却照游人影
雨後江天月倍明
縷金之燈懸夜蛤
碧玉之管皆龍鳴
飛薨阿閣花間出
星河垂花耿不沒
駿馬連錢錦作韉
妖姬粉白羅爲襪
香霧微將鬢影蒙
暗塵不逐蹄聲歇
交衢夾道葳蕤開
名園傑館春徘徊
步障和風交玉樹
流蘇小鏡綴珠胎
流蘇步障繁華里
藏鈎射覆月明裏
鳳蠟光搖翡翠床
麝臍香煖鴛鴦被
拚將芳草悞王孫
賦得沅蘭思公子
就中別有王侯宅
玉簋金樽坐今夕
家僮捧劍總詩流
侍女綠珠皆俠客
粗豪孟公傾四座
潦倒淳于堪一石
蘭膏燁燁欲更闌
絳帳沉沉迷夜色
殊方游子坐三更
對景思家獨愴情
十年烽照烏牛浦

東園詩存
五更梟啼白鹿城江樓人散陰燐滿簷粟寒吹島樹平
格鬪東南民力竭燈火重城尚元夕海鏡西飛漏水多
閒倚梅花增太息

西湖春日行

錢鏐城西春二月夾堤嘉樹花爭發小騎驕嘶樹裏行
珍禽清囀花間出流風綽綽花飛飛樹影灼灼搖春暉
空明曉蕩波千頃翡翠晴開山四圍波底羣山春並媚
春與平波俱無際東南天作詩酒鄉今古人營烟月地
吳娃越艷日紛紛金鞵玉辟來如雲遥遥曲館明歌扇
隱隱高臺曳舞裙近水園亭入瀟灑波光山色浮鴛瓦

文檻斜安翠葆旁朱扉半掩碧桃下南國佳人字莫愁
粧成對景惜年流閒並隣姝撲蛺蝶時同侍女競鞦韆
別有清華王謝客山川秀麗人白皙姱姬新髻號墮馬
才子接茵稱連壁瑤塘銀埒恣嬉遊折柳採蘭湖水頭
薦寢爭持琥珀枕留歡重典鷓霜裘青雀之舟棠爲櫂
霽日湖心載簫鼓浴鵲灘前拾墜釵觀魚亭下看飛羽
昨夜江城寒食過茅家埠口游人多兩峯香雨沾珠翠
九里芳塵散綺羅蓮宇花宮何縹緲金幢寶旛紛繚繞
蛤王鈔相照諸天迦陵仙音徧清曉靈鷲山北車闌闌
鬱金美酒玳瑁筵拌將白日寧論費輓得青陽不計錢

撲

南浦春深芳草歇風起楊花撲飛雪少婦城隅行採桑
迨暮温臯嬌未別亭臯迢遞依山遠夕陽歷亂游人返
少年戲擲珊瑚鞭公子思停芙蓉轆闌圍七寶誰家池
燈燃九微卜夜時華星輝映沙棠樹清露香盈芍藥枝
檣菹陸博恒達曙門外不知春已去約買菖蒲浦上舟
更尋桃李谿邊路與君行樂老西湖春盡平湖奈樂何
兩堤寂寞芳菲改當時勝事今無多試從水香園中立
風雨淒淒泣芰荷

歲暮行

歲云暮矣雪墮瓦梅花寂寂山牕下儲無隔宿囊羞澁
何以消愁惟兀坐西家富兒好眉目醉卧流蘇饜梁肉
邃宇深居見面難塘上鴛鴦不獨宿東家年少事戰場
青絲寶馬綠沉槍道旁顧盼生顏色堂下叱諾有輝光
奚爲居此長鬱鬱男兒六尺家四壁三冬文史成底用
十年劔器終無術英雄流落長苦饑才士請謁願常違
時來屠販功名易道厄風塵物色稀

悲歌示曹允奇

窮去六尺無顏色安用歌聲出金石仰呼白日問青天
何物可以澆胸臆上書北闕鄙揣摩力田南山艱儲積
入粟爲郎苦乏貲候時逐物竟無策憶昔垂齟志邁倫

擗

壯懷直欲薄秋旻長劔星文騰虎氣孤琴雷雨抱龍脣
 元龍豈惟湖海客太真亦混菰櫂人自許置身霄漢上
 何期僵卧滄江濱安石捉鼻謂不免郝隆曬腹長食貧
 葉生式李生若舊吾曹侯生閻張生嘿皆人豪陳生杏
 鄭生凌英且妙煜如新淬昆吾刀與余生平稱莫逆狂
 吟濶辨泛濁醪醉來對舞春風裏風吹飛花撲春袍有
 時扁舟橫大江洞簫吹月滿江臯鸞鶴徘徊翔碧落鯨
 魚出沒行波濤有時手持烏藤杖翠然長望瞰層霄絕
 脊飛雲隨振衣陰崖寒雪照揮毫千秋但任季鷹達百
 年誰擬靈均騷良會幾時成異路竹林諸君半物故河

山每下安豐淚悲涼堪著茂先賦以茲嘗慕秉燭遊無
 事花前頻會聚

鴻門行

秦政振策制六宇媚子諛臣承意旨中分郡邑三十六
 北築長城一萬里祖龍出游死沙邱謫戍之卒分操矛
 四海蜂起逐秦鹿諸侯膝行情楚猴沛公一軍先入關
 項王東來力拔山鴻門壩上旌相望爭雄決勝須臾間
 旦日置酒列高會五彩雲方護赤帝寶玦腰懸玉斗碎
 亞父枉自好奇計君不見沛公約法僅三章項王兵西
 屠咸陽帝王之生本天授舉動豁達殊尋常軍中旋已

灞

紛

歸劉季席上虛傳舞項莊

○秋日飲王亦敬先生宅

江雲飄素秋色驕金天萬里蜚雁高今日何日良燕會
瓊尊玉蟻行葡萄飲如長鯨泉似酒倒輓黃河傾北斗
雄談四座起擊節大呼五白笑拍手霜梨冰藕照席寒
駝峯高薦瑪瑙盤香橙霏霏蠚螯紫棗實纍纍荔支丹
簪珥宛轉主人樂芳澤遠聞賓從歡酒籌無算觴正舉
分曹樹幟劇飛羽堂下小史舞鸚鵡座中詞客賦鸚鵡
詼諧戲射方朔覆豪邁催搥處仲鼓散髮脫冠方閉室
步檐交牕連冥色主人留客卜夜飲絳蠟如椽燒永夕

淒絃協曲薦趙琴橫竹吹商奏羌笛星斗縱橫宵欲深
新聲靡曼感人心落葉墜堦陰蛩寂涼飈瑟瑟飄衣襟
曲罷中庭花露瀉坐客慷慨有泣者

○贈王草堂先生

適逢王內史意趣何清真交談對玉山朗朗來照人賢
豪慕結襪時輩非等倫古今供提緯物象任敷陳辯如
公孫在稷下欲送一難仍逸巡爲文往往見奔詣欵然
下筆如有神天馬行空本絕羣何爲落落走風塵江城
三月楊柳垂旅館流鶯啼晚春漉酒笑脫頭上巾黃金
入手一揮盡賓朋滿座不言貧

葡萄

澤

東國詩存
林覺侯招飲峙巖寺

江城三月春正歸風吹落花繞城飛客居無事恒散步
綽綽花飛嬌撲衣松臺日出游人語雁池烟消送春雨
相逢高揖向紅塵招邀一過城南渚城南碧水雙蓮橋
社樹禪枝領寂寥細路紆迴沿岸入青絲挈酒坐僧寮
杯行無算日亭午醉眼瞢騰睨今古鰮魚盤劔寶色蒼
拭拂尊前歌且舞

秋夜偕董生過黃燕及

相逢不飲心亦歡况有清尊坐夜闌屠狗擊筑足千古
彼漸離者今或存匣有神物取橫看不用久同蟄龍蟠
赤土未拭光未發莫漫向人歌且彈

感事

慘淡黃花地崢嶸白雁天連山開毳帳橫海出戈船障
結寒雲合刀鳴朔月懸國殤與野哭對爾一潸然

少年行樂詞

柳葉迎衣嫩蓮花拂劔新歌呼燕市月醉宿杜陵春對
客探金彈攜姬試玉麟相逢諾屠狗舊與漸離隣

貴主行樂詞

華屋自無秋戟門不到愁護花絲作幕進酒玉爲舟侍
女葳蕤爵家僮綠臂鞞名園春似海銀燭照藏鈎

東國詩存 卷三十三
吳山晴望
風迴積烟開登高極望回青山浮海出白雁渡江來野
戍清笳動層城落木哀旅懷蕭瑟盡新賦不堪裁

○晚由白鷺塘抵蕭山

扁舟趨夕渡短纜泝橫塘秋水蘋花岸人家秔稻鄉野
寒明遠火天黑下微霜行近蕭山縣鐘聲過渺茫

○稽溝嶺

嶺仄綠雲少峯奇拔地多蜀魂歸薜荔山鬼嘯巖阿戰
伐人民散田廬甲馬過乾坤一回首無奈百端何

○春游有感

湖水搖新霽山雲薄翠微和風雙騎並遲日萬花飛魚
酒黃茅店人家白板扉當年行樂處回首舊游非

○荷

六月陂池好芙蓉麗曉粧盈盈當水榭灼灼出金塘翠
蓋含風淨紅衣浥雨香美人在何處欲採已沾裳

○竹

蔭水散千竿蕭蕭碧玉寒素心堪雪比高節倚雲看藏
簡尊周史分符錫漢官秋風應有實取給鳳凰餐

○芳草

管領愁如許纖纖滿故叢春風遺漢寢烟雨失吳宮碧

炬蒼郊晚雕鞍翠埒空王孫歸未得搔首灞橋東

古鏡

金鏡秦時製珍緘百寶囊龍紋看盡蝕魑魅見潛藏氣
傍秋旻碧精吞日月光壁間留汝伴霜鏐有魚腸

古劍

吳江三尺水入土幾千年紫氣無人識清宵北斗邊精
英天地秘顯晦鬼神專終亦爲龍去寒光蛻大川

馬

宛馬玉花驄天閑一顧空縱橫百戰裏騰軼萬軍中神
皂來西域驕嘶向北風烟塵滿天下看爾立奇功

井桐

誰種青桐樹敷榮碧井傍團風飄玉甃垂露滴銀床泉
暗留春冷亭陰進夏涼美人行汲倦小立倚紅粧

梅

冷蕊疑施粉清標不受塵空山惟古屋暮雪有歸人寥
落風霜色崢嶸天地春酒醒牕月白疎影過東鄰

秋懷彙草十首

無諸舊服絕塵氛超距張拳苦未聞幾見金錢輸少府
兼傳銅柱出將軍鉦樓夜冷天台月估舶晴開日本雲
父老當時無可諭篋中虛擬長卿文

十載傳經意轉孤行藏堪泣阮生途商歌卒歲窮逾甚
消渴經秋病不蘇閭閻同聲榮執戟藝林偶語鄙操觚
向來期許知何似漸媿從前非故吾
南鎮東陞甲未銷九天兵氣黯鳴刁地非磧裏紛駟馬
騎是回中舊射鵬稚子學吹秦箴策孤兒思隸漢嫖姚
何當結伴春郊望桃李芳陰有翠翹
魚鹽沃野號通都風物如林表海隅賈女衣裾烟似縠
鯁人宮室月爲珠驕嘶白鼻春蕪遠艷唱烏鹽夜漏徂
一自江流供飲馬幾看瀉鹵沒黃蘆

關河日夜變秋聲節序驚心一愴情頻苦橫流漂斷梗

惟餘數口客孤城亂從百越櫂槍熾兵接中原甲馬橫

永夕憫時歌薤露滿牕暗雨撼寒檠自注戊戌夏海船突境凝挈家避郡

城踰年始歸

金天蕭颯羅飛籌短嘯長吟起百憂谷口遺民依虎豹
道旁古廟坐鴝鷓霜高秋共黃花老風緊天連白雁愁
聞道下江輸輓急瘡痍何以緩徵求

拔劍誰當擊大荒攬衣四顧極蒼茫狗偷市井紛軍壁
蝟劇東南半戰場阮籍詩篇裁憫亂子山詞賦記思鄉
川原杳杳稀行李草樹搖搖自夕陽
烟塵荏苒歲時徂江海飄零吾輩孤十載風霜疎鬢髮

墓

一時踪跡混屠沽出關歌續梁童子哀郢騷傳楚大夫
惆悵河橋分手後渾無一字寄飛奴
暝色荒涼望北村年來人事不堪論九原霜露無松柏
一夕秋風冷暮門谷口何時歸弔鶴燈前把淚續招魂
流離瀕海皆如是處處吞聲聽斷猿
烏皮几在尚堪凭零落柴門縛用繩有弟臘寒聯襖被
課兒夜兩對檠燈空畱短劒慚無術欲請長纓悵未能
咄咄浮生何所似悠悠天地獨沾膺

玉甌峯

洞名
玉虹

磴道高懸十二盤手攀蘿葛上巔岼山形似雁將甌出
海氣如虹繞洞寒日月晝懸蟠虎鼎星辰夜挂步虛壇
側身天際觀元化散髮長吟獨倚欄

湖上晚步

城倚層霄萬堞遙湖空遠聽海門潮雲松有衲歸三竺
烟柳無驄繫六橋洗馬百端常黯黯黃門雙鬢已蕭蕭
惟將燕趙悲歌意獨對西風坐寂寥

雨夜

濕雲漠漠壓城低疎火熒熒向晚淒三月封書千里隔
五更歸夢萬峰西歲陰大澤龍蛇凍雪滿平原鴻雁迷
豈是壯懷銷欲盡獨眠翻畏聽鳴雞

岳墳

曾聞汴水哭殘兵旋已朱仙罷北征忠孝全家投白刃
山河萬里失長城湖陰夜雨金戈響墓道秋風石馬鳴
悵望西陵舊時樹風雲終古未能平

于墳

少保祠堂翠柏寒風吹霜影掃空壇青山有血從埋碧
白日何心爲照丹四海安危衷獨苦一時家國事俱難
豐碑尚勒褒忠詔春兩年來字欲殘

思歸

茅屋秋風別女蘿家園迢遞悵如何時時送客腸俱斷

時潘東啓鄭鼎文俱歸甌

日日言歸臘又過江海烟雲新柳變關山

雨雪落梅多峯頭獨上頻回首薄暮孤城急逝波

吳山晴望

城上危巒雪未乾捫蘿高倚曉屏看風連禹穴波微綠
春到錢塘水尚寒吳地節逢長至過江樓花看北枝殘
明朝擬買東歸棹莫問金華五百灘

武林春興三首

湧金十里浸平湖人物風流甲上都壞榜有亭猶認白
殘碑無暮可尋蘇蕭條天地空詞藻戎馬江山渺酒壚
松柏南屏金刹迴年年烟雨入模糊

東園詩存
仙閣嶙峋迴可凭振衣直上最高層烟花城郭錢王國
海嶠風雲夏后陵玉殿虛無餘石槨龍旂寂滅有漁罾
遲回不覺歸來晚雙樹中峯出佛燈
新水扁舟下會稽挂帆黃鳥翠屏啼西施村裏花還發
勾踐城邊草正萋桃葉竹枝春度曲山橋野店晚留題
經旬卧病吳山閣飛夢時時到剡溪

○過黃燕及東浦別業

茅堂新識碧溪濱倚仗橫橋俯綠蘋兩岸人家村樹曉
一犁烟雨野田春細察陸羽烹茶錄好製淵明漉酒巾
余性由來愛山水扁舟過爾不辭頻

同曹次點蔣公錫張牧友賞梨花

高館宵寒典鷓鴣同人花下坐飛觴烟縈玉樹春無影
露浥珠林夜有香乍見聯蛾窺彩燭還看流雪襲青琅
小園二月芳菲好留約東風醉海棠

歲暮感懷三首

泥濘終朝獨閉門新晴陡倚步平原歸雲暮擁天邊樹
返景寒銜海上村經亂通莊遺箭鏃轉輸下里括雞豚
丁男從役沙場裏歲晏誰招未返魂

溪邊百尺瞰飛樓長日登臨未散憂地迴風霾歸猛噬
天迴浦汭響寒流荒阡人去餘楓棘故壘烏啼有鶻鶩

東國詩存
霜降南方俱隕籜殘禾棲畝不曾收

慘冽長天風木寒銜哀有淚不勝彈懸弧早歲心徒切
捧檄當年事已難想像音容惟夢寐流離菽水失承歡
擬供伏臘無羊酪霜露淒淒節又闌

○蘭溪客樓同族叔侯采小酌

峻閣凌虛出廢壕倚牕霽色雁飛高
清尊客裏時同把短髮愁中只自搔
百粵雲山迴暮水三衢舟楫壓秋濤
不堪平昔飛騰意長此相逢攬敝袍

○仙巖訪天目和尚二首

石橋月出虎溪東薄暮禪關扣遠公
白社人攜尊酒綠青山僧定佛燈紅
泉聲暗落香臺雨松影寒交素壁風
一宿應知塵夢隔劇談真覺世情空

法幢東過大羅岑一帶松杉落地陰
花雨春飛獅子座迴禪燈夜照鶴林深
經行初地清凡慮坐悟空山長道心
况值新晴風日好迦陵處處送仙音

○春閨

三月長干道東風草正齊誰家珠勒馬嘶過杏花西

○宿玉泉寺

梅花山下寺殘夜一歸僧柴門無吠犬
大雪落寒燈

○守歲

東園詩存 卷三十三 七
百年雙短鬢十載一床書畏聽旁人說今朝是歲除
聽詩叟

鶴骨何清臞峻嶒竦空碧誰和白雲謠山中有木客

夏夜

夜靜涼生水花明月到溪時聞有漁笛吹過畫橋西

夾岸道中二首

溪邊小筏編竹石上清泉覆花野老孟蹄祝歲荒祠獨
樹棲鴉

古姓東谷西谷茅屋三間兩間雨過烏啼芳樹水流花
落空山

春日卽事二首

林外紅雲映碧溪芳園雨歇早鶯啼誰家畫鷁雙蘭槳
撐出河橋楊柳西

卧龍山下讀書堂三徑春深碧草芳昨夜溪頭新雨過
繞門流水落花香

西湖竹枝詞四首

小莊舊卜段家橋門外蘭橈可自搖贏得春風與秋月
湖心亭上聽吹簫

太守風流堤尚名六橋虹影跨堤成橋頭素石人爭坐
春雨年年苔不生

東園詩存
寒食已過樂事賒細雨半落紅桃花香泥狼藉春多少
燕子銜歸蘇小家

妾棹沙棠郎玉驄水香園畔每相逢願爲一片湖中水
曉逐行雲散兩峯

病

門掩芳菲二月餘卧聞山鳥叫提壺病根歲歲如香草
一見春風便欲蘇

雨中賞牡丹

獨憐紅袖倚欄杆山院春深帶雨看底事東君不解惜
一番雨信一番寒

林必登

字翰仙永嘉人存詩二首

贈體印上人

蓮宇依鰲背花臺倚蜃川山山青送黛樹樹綠生烟悟
徹江聲苦心閒海色鮮蘭盂清曉氣茗椀洗春泉入望
銀城迥浮空寶筏懸雲垂龍聽法林動鳥歸禪鐘磬波
間月樓臺水底天昔曾從面壁今亦幾忘筌香積僧厨
午菩提佛國年西來當日意誰共遠公傳

奉陪蘇兵憲遊仙巖因訪天目和尚

五月薰風好溯游南塘一帶雨初收鉅公乘興開吳榜
下士追陪載洛舟狎客沙鷗將遠近避人水鳥自沉浮

咸言選佛牽青翰，兼識明農向綠疇。廢道蒼松沿路立，
入門蒼葡繞堦幽。旌旗縹緲交旛動，瓔珞輝煌結珮遊。
僧供伊蒲滋味醞，堂張阿若暗香柔。行行仄徑恣心賞，
轉轉竒峯刺眼投。辰匪永和翻曲水，時方逸少挾名流。
澄潭無底清堪印，野碓懸空響自由。百丈瀑吹晴裏雨，
千尋松冷夏中秋。輞川况復通摩詰，紺宇爲鄰得貫休。
小構且存天地態，一泓洗盡古今愁。衣裾染翠猗巖樹，
杯斝分紅艷海榴。賢主不逢猶下榻，嘉賓更上白層樓。
旣疑世外成三竺，又似人間有十洲。闌夜木魚聲隱隱，
未明林鳥語啾啾。山傳安石娛絲竹，峴說羊公翫布裘。
惜別烟霞終欲痼，言歸猿鶴若爲留。寺門鎮玉風依舊，
花墅行杯興共悠。從是園亭增絕勝，常教靈壑足夷猶。

吳世祿

瑞安諸生
存詩一首

○過篔簹

苔徑迢迢獨往迴，紅塵車馬此中稀。山深籬畔犬時吠，
水落溪邊僧自歸。帶雪梅花開老眼，連雲松葉護柴扉。
西鄰婚嫁多呼酒，薄醉閒吟送夕暉。

陳振麟

字雲趾，光前子。順治丁酉
舉人，任孟津令。存詩二首。

○寄懷仙巖天目和尚

大羅之陽有福地，洞壑豁豁含幽異。飛泉射日洗珠璣，

同錄及注皆云
存詩一首而實祇一
首當按西出猶
軒錦補江心古觀
詩七律一首

疾齋記

峭壁摩天積蒼翠此地曾為佛祖居獅峯南北拱緇廬
滄桑以來勝跡改雁堂鹿苑成邱墟自師錫向東甌桂
剪棘芟荆闢蓮界千區精舍布祇林點綴名山宛如畫
彌天功行世無加遠接曹溪近永嘉塔前時有鳥投果
座畔常看天雨花春秋六十推耆舊輪齒珠眉姿獨秀
山中丹井笑軒轅吾佛從來無量壽

陳振騏 字雲驤光前
子存詩一首

遊孤巖

雙塔連天際嶙峋不可攀潮聲兩岸急山色隔江閒城
郭烟雲裏亭臺水石間漫言塵俗累咫尺是元關

陸象震 字幼起號陶菴瑞安人順
治丁酉舉人存詩一首

過君子石懷林介夫先生

小嶺曲而危盤旋如鳥道捫蘿躋其巔極目窮蒼昊俯
瞰下江流雲烟生海島草深野麋肥壁削松鱗老其中
有至人介節常皓皓雅愛此深邱俯仰罄懷抱高談玉
屑飛千載猶傾倒石上青苔生遺傳書帶草展拜景高
風拾蕨供蘋藻

鄭文標 字丰人永嘉
人存詩四首

村居吟

南村堪適性結屋傍烟蘿暮雨連蒼野春風滿綠坡琴

懸山色靜門掩竹聲多爲愛相過者流觴憶永和

過釣臺

釣臺寂寂枕荒邱千古高風孰與儔山水終歸巖子宅
波濤猶作漢時流灘聲入夜搖寒月樹色凌霜接素秋
欲渡扁舟更回首蒼蒼烟水照羊裘

送朱周望先生歸雲間

蒼茫雲樹擁驪駒地接平原路轉紆千古文章推二陸
一時詞賦重三都鶯聲曉對人遊越柳色遙分棹入吳
倘爲永嘉傳勝蹟笙臺亦在筆中無

有懷

山南山北碧雲齊此日相思望欲迷遙寄詩篇傳寂寞
一邨烟雨子規啼

謝包京

字令夏永嘉人順治乙未
進士任陽武令存詩四首

雜感

洞庭有嘉樹亭亭無曲枝琢爲犧氏琴絙之黃農絲奏
以越裳操歌以南風詩一鼓元鶴舞再鼓白鵠飛更唱
重疊鼓神鳳翔下之持此報明德庶幾心所期云胡正
聲杳坐令聽者希高張未及引下調已成悲空自吟貞
女何人歎楚妃

賜湖卽事二首

遂與車塵絕茅茨物外懸有來山突兀欲往水淪漣秋
葉憐衰病春花感盛年倚欄無一事珍重賦遊仙
卽此是田家林塘竹徑斜罷栽彭澤柳來種邵平瓜倚
杖移長晝開尊駐晚霞洒然婚嫁畢五嶽未爲賒

○長安秋感

上苑涼颺起高商報素秋已成宋玉賦更上仲宣樓返
照黃雲暮迴風白雁悠蕭蕭寒色近清角滿皇州

○李

敷字長陽瑞安諸生著有半齋紀遊詩草存詩八首

○已酉仲春寄鍾尊五先生兼簡實先

乞米顏公帖驅饑陶令詩前賢聊復爾吾道竟如斯書

著窮愁日春當富貴時壺漿傍舍有不待筮先知

○再寄鍾實先

素交不易得爾汝好爲鄰廓落推知己饑寒賴故人鉤
金歸老馬斗水活枯鱗笑問長腰米無勞指一囷

○白水青鹽心齋已久浹旬蜷局尤甚不惟玉粒抑

且桂薪矣拾得春衣一摺換米市中而妻有難
色作詩解之

裘敝還堪典山妻莫怨咨每安藜藿食不晒屣屨炊老
是修名日貧非相士時忍饑恒誦讀懶去覓屠兒

○重贈王孫兩處士

淳朴因成俗閒情只著書恍然遊建德不復夢華胥殊
味星臨席飛觴月動裾那堪辭腊毒祇取藿充虛

○呈曇法師二首

禪翁惟釋網卓錫此山椒皓首通幽鍵元津鼓大舸日
光晞石髮春色上芭蕉起病湯休在終朝對綺寮
菲菲幽若佩岌岌切雲冠從此棲深谷何妨中薄寒園
埔花蒨粲尋徑竹檀欒正好跏趺坐隨時且諦觀

○貸穀詩呈徐蜚聲先生

散盡黃金不復來閒庭扉屢絕纖埃已知失道乖良馬
却畏乘流遇暴腮貧賤獨懸孺子榻艱難空老謫仙才
信信猛犬何須吠落日驅飢南路迴

○半枝軒夜坐呈曇法師

入山不覺已經旬乞得閒房養此身案上日翻千首偈
花前時愛半枝春每多煨芋延寒士只少燒豬累主人
清磬數聲明月夜好從心地悟前因

陳

璉字連玉永嘉人存詩二首

別梅贊臣

驛亭分袂覺蕭條愁見征鞍隔小橋烟水迷離吳地遠
雲山斷續越天遙半江帆影牽輕棹孤與鐘聲答晚潮
千里別君無可贈驪歌唱徹黯魂銷

陽湖晚眺

三溪淼渺滙陽湖載酒揚舲日已晡雲度疎鐘侵皓月
烟籠芳樹暗棲鳥東臯聽鶴更深唳西嶺聞猿夜半呼
一望空青誰繪得令人錯認輞川圖

東甌詩存卷三十三終

東甌詩存卷三十四

永嘉曾 唯近堂錄

國朝

翁應春

字克生永嘉人康熙歲貢存詩十七首

寄懷新昌大令劉木生

昔隨胄子行生徒盡流寓都養瘦形骸啖字成書蠹寂
寞寡所歡笑讀鷓鴣賦文章信有神傾蓋乃如故荆高
共一身抗談竭情愫貽我錦繡篇爛若珊瑚樹賞譽殊
過情頰頰誦佳句懷之十餘年曷以酌知遇翹首大江

西高烟阻修路今日山陰道朱霞瞻彥度禹穴探梅梁
潘縣綴花露慚媿鄰邑民燭光承汜濩裹糧莫能前一
方不可溯杞李時入唵於焉誌永慕

○登玉甌峯戲效長吉體贈李卓如

越山怒走爭險絕勢盡東南天欲折巨靈雙斧殷紅血
削出奇峯撐峭嶮混元有甌炊紫雪白光飛練張雯纈
捫蘿直上探猱穴鐵杖穿雲鼇背裂星榆垂垂手可擷
語撼天關愁噤舌浮烟數點斷復續岳動波明浮魚鱉
素娥窺入弄鮮潔花塵草露薰迷迭君能住此解塵繼
山鬼吹火伴淒切杵和一匙雲母屑眼光繞身鞭列缺

筆化長虹奔水埒渴飲千川萬川竭

○石鏡行寄祈陽令伊蘭臯

昔日余爲浯溪遊木葉初下洞庭秋手掬溪水磨石鏡
壽光熒熒爛不收閔深幽遠靡遺照行人對影搔其頭
蒙鑿鬚眉好男子踉蹌奔走輸秦優今日君爲浯溪主
白月一輪溪之滸春深鳥坐河陽花晝靜魚跳萊蕪釜
公餘時復載竹罌窰樽鬱郁汎蘭生閒來壁上窺流影
詎教廉石越雲橫魯公自寫摩崖頌次山不作春陵行
思君無奈隔遙程青峯碧渚總關情鏡石鏡石如有靈
可能照見千里搖搖之心旌

歸途望金山

揆悶推蓬坐舟行急水程天空溟漲濶秋淡海雲平佛
火金山寺人烟鐵甕城因思舊遊日悵望不勝情

偕包幼白妙高臺夜坐

山意祛塵雜孤清此夕中怒潮千里動靜夜四天空塔
影藤蘿月鐘聲竹栢風隔江烟樹裏寂寞一燈紅

八公洞

洞陰常寂寂坐聽水聲喧春去花無主雲來石有痕真
仙畱藥籙小隱榭柴門空翠生襟袖編籬長竹孫

第二泉

偶來臨浣沼盟水得深情源合春申澗流分泰伯城樹
高秋意肅石古曉光平三讓遺風遠甘居第二名

密州別李渭清

五塚山前路相看獨有君壺觴諧夙契筆墨悵離羣遠
樹春烟合平沙夕照分誰能遽揮手珍重祝慇懃

客京口送張寶承歸雲間

自媿非連璧居然得接茵奇書參別解險韻逞閒身同
是他鄉客誰憐我輩人坐茅呼釣侶泖上對垂綸

郭疇生學博以玉甌集賜教賦謝

風吹玉甌芙蓉香翠袖紅帷馬季長傲吏耐看秦博士

名山初識漢文章迎門桃李春如繡滿匣芙蓉夜有霜
問字伊誰頻載酒侯芭可許讀長楊

○答陸麗京次來韻

廿年無媿北山文采藥居然麋鹿羣詩紀自追彭澤里
酒酣不醉望諸墳遙天風鶴愁心共時傳兩地雲龍素
影分別恨勞勞憑夢語錢塘江上月痕新

○遊鶴林寺集愛蓮亭同彭奮斯張伯重

陌上遊人拾翠鈿尋香爭在早春前三山遠揖元章墓
一逕微通茂叔蓮晴日平蕪看試馬夕陽荒塢聽啼鶻
愁城未易降堅壘共醉南郊酒甕邊

○木末亭同夏茂林王玉叔與僧今是談世外事

虛亭高出白雲層各抱遊情共一登短笛從新翻玉樹
長淮依舊帶金陵六朝勝事多名士一代遺風話老僧
最是秋深思不極愁看黃葉戀枯藤

○聖化寺禮銅殿

毘尼嚴淨律師宗龕底燈明旛影重樹靜千林安怖鴿
經函萬帙護獰龍晶瑩寶殿黃雲合馥郁金爐紫霧封
猶有前朝遺蹟在不隨荆棘沒駝峯

書漂母祠壁

悠悠淮水古城東食報千秋半畝宮祗爲世人慳一飯

讓

他女子識英雄

看打魚
漁翁酒暖酌柳瓢
婦子船頭弄短橈
萬里空江雲影碧
鱖魚登網恰乘潮

過泗洲

豐水當年杞葉齊
于今何事草淒淒
冬青子落無人掃

杜宇飛來枝上啼

梅調元

字贊臣永嘉人康熙歲貢任雲和訓導存詩十九首

北上留別友人

伊余事行役碌碌欲何求
自從嬰世網乃為萬里游
浮

西世類軒銘
世調元江心
七律一首
疾

雲起天北山川阻且修
况聞多警柝旅客增新愁
羈雌啼林樾孤獸走道周
咄哉遠遊子勞苦無時休
念我同心人長嘯聲自遒
林泉恣偃仰今古肆冥搜
而我何為者不得安故邱
譬彼雁鷺羣各為稻梁謀
所希在微祿一往逐行輶
緇塵汚我衣霜露侵我裘
資用長苦乏干謁將誰投
素心既已改岐路徒懷憂
何當稅歸鞅與子窮唱酬

閩行雜詩十首

歲晚傷搖落征途信阻修
衰延山不斷南北水分流
風壤殊閩越星文共斗牛
鄉關從此別日暮迥添愁

桐山當孔道近海賦常充土堡千家聚人烟八郡通魚
鰕腥市肆雞犬認村翁是處抱關吏譏訶也自雄
入峽山逾險沿途盡白茅石開傳試劒風勁似鳴嚆陋
俗鄰蠻徼流人尚劫鈔時危多盜賊愁聽說黃巢
一上肩輿望松杉鬱轉蒼遙林應萬里喬木盡千章野
火燒山黑斜陽半嶺黃暝看烟舍近失喜卸行裝
重嶺如懸度烟嵐一望迷編籬增戍屋疊石過長溪撲
朔連岡逐鉤輞隔竹啼始知風物異鄉思轉淒淒
面驛重重過沿林渺渺長村墟沽白酒埜店飽黃梁堰
水施魚笱緣巖採蜜房居人雖近古機事未能忘

天寒收穫畢棋局布高田草舍疎還密蜂墩斷復連幽
篁山鬼嘯古塚石麟眠車馬空勞碌滄桑不記年
奔峭山千仞喧卑地一隅語音訛不辨土俗朴非愚日
夕牛來下途長馬欲瘖旅人相戒語月黑有於菟
此鄉多海錯旅客饜南烹石蛙揚葩秀江瑤入饌清盤
堆蜻子臙筋滑礪黃羹口腹從吾適應懷久住情
城窄山將壓人稠屋比簷開田多種蔗煮海半爲鹽易
致奸人富難逢長吏廉鑿渠無限利此役更何嫌

謁東甌王廟

大禹神明胄炎劉佐命功分封仍越土遺廟巋甌東寶

扇開宮女雕梁拂彩虹千秋存帝制奏格儼然同

王謝祠

前守推王謝荒祠倚郡城千秋傳墨妙六代擅詩名沼
古鵝還浴塘春草自生風流今古事俯仰一含情

歲暮陶山別張季爰文

歲暮逢君便拂衣尊前叙別思依依凌風又見寒梅發
避雪遙憐獨雁飛茅屋荒雞驚客夢竹籬小犬送人歸
明年相見知何處回首陶山隔翠微

金陵懷古

白門佳麗古吳京秀氣葱葱望裏生蕭寺只今餘畫壁
秦淮依舊夾朱甍千年艷血埋鴛塚六代寒烟繞鳳城多
少遺墟人不到夕陽飛鳥自關情

渡揚子江

凌晨正值春光降五兩安然渡客艤瓜步寒烟棲故壘
蔣陵山色隔長江南來北去俄千里楚尾吳頭各一邦
爲問前程何處泊維揚燈火映船窗

三月晦日集友人齋頭留春

主人款客惜華年此日風光劇可憐春事已隨三疊曲
芳尊須按四條絃出牆新綠濃於染糝徑圓荷軟勝綿
最是春歸畱不住那堪風雨更淒然

月夜泛舟送歌者次韻

美人惜別醉顏酡南浦愁看晚又波小史昔曾翻艷曲
長年重與按清歌飄揚冶袖凌風並搖曳輕船帶月過
最是分攜畱不住紆迴一水恨如何

梅調鼎

字鉉臣調元弟存詩一首

笙臺晚眺

仙人遺蹟寄山阿春入元壇長薜蘿丹竈雲深畱虎護
瑤笙風暖債龍和峯頭五老迎殘照水面雙鳧狎晚波
樵唱牧吟歸曲徑萬家竹樹暝烟多

張雲翼

字蜚之永嘉人存詩一首

芳草八首 存一

古岸離離曲徑迷青帘斜映小橋西瑤堦題怨年年長
金谷無人處處齊湘蕙漫隨蕭質化燕絲故向柘枝低
尋芳蠟屐登山去應惜春香印齒泥

張師典

永嘉人康熙歲貢存詩一首

初夏偕葉又生遊證聖寺

空山寂寂冷於秋鳥度歌聲韻更幽古徑行隨青嶂合
禪心閒共白雲遊林深淡月飛烏鵲松老晴嵐舞翠虬
欲待天香秋夜折雄心未許付丹邱

王成

號訥菴瑞安諸生存詩二首

仙巖寺次周蓉湖學憲韻二首

仙巖自古擅名山咫尺扁舟去往還
竹杖穿林通梵刹芒鞋踏翠扣禪關
雲無心處幻非幻石點頭兮頑豈頑
我亦有緣聽妙法何妨半日作偷閒

白雲紅樹影重重山谷虛閒靜不封
曲水流觴仙子蹟書臺積翠古人踪
烹茶喜汲梅潭水踏月還看石徑松
攬勝不知歸路晚秋光引我上高峯

王萬昌

字得全號瞻澳永嘉人
康熙歲貢存詩二首

寄友人

幾年雙屐半山湖逐日情悰托酒徒
別後荷花開也未寄來桃竹寫曾無
數聲寒雁衝風遠一片江雲度影孤
迴首嘯歌憑好夢蕭蕭烟雨宿菰蘆

懷人

湖烟漠漠雨漫漫一水相思問渡難
到得醒來猶是夢原非愁處不成歡
疎鐘晚度林陰寂素壁宵分燭影寒
滿徑落花猶可聚聯茵那得重盤桓

王

相字昭傅號唐園永嘉人
康熙歲貢存詩一首

川子姪城南雅集遲梅贊臣

憑將書札報有約訪城南曲徑花頻掃
方池月乍涵展聲纔入聽坐客已無談
林下諸賢在風流忝獨慚

鄭應會

字孝先號亦魯永嘉人康熙歲貢著有懷瑜集存詩二首

○王草堂招集江心卽席分韻

右丞騷雅競躋攀初夏招尋孤嶼間此日江天開曉霽
昨宵風雨送春還千層塔影疑撐漢萬里潮聲欲撼山
詩就不知烟樹暝猶同呼酒對潺湲

○登澄暉閣賦贈

峻嶒高閣喜初營松棟芝栴映日明客納湖山窗四面
指揮魚鳥酒千觥連床書積嫗嬾帙近寺花生簷蔔莖
更羨君家喬梓集校讐可奪向歆名

陳元書

號雲草永嘉人存詩一首

○立夏前一日王草堂招集江心卽席分韻

啼鵑昨夜惜春殘此日樽開北海歡孤嶼霧深晴亦雨
諸天雲近晝生寒隔城柳簇堤邊浪出水鷗翻江上瀾
卻喜惠連邀入社羊何應愧和歌難

謝夢覽

號瑞園永嘉人康熙歲貢存詩二首

○追和文丞相宿中川詩二首

臨安萬騎斷青絲一棹飄零故國悲淚灑滄溟龍種在
氣吞沙漠鷺借誰同仇空結樓船想再造頻和寶劔期
千載中川尋往蹟馮夷擊鼓繞豐碑

百折間關鬢欲絲河山風景幾傷悲小樓三載疑無地

全史千篇却說誰碧血任從王謝哭王磐謝翺丹心早與許
張期狀元失節書空讀羞見先生一片碑

康世綬

字以佩永嘉人存詩一首

○江心寺卽席

江上峯青映綠蕪雨餘載酒坐蓬壺隔林水漫樓臺影
遠岫天分海嶽圖喜托良遊從雅士謾言高隱學潛夫
座中疊見新詩出瀟灑才情各自殊

王

詠

字川子永嘉諸生著有竹居詩集錄詩十三首

○雜詩二首

颯颯商飈至萬策謝紛葩孤獸蹲峻巘羈雌嘯遠涯感
物傷離析躑躅動歎嗟郊原皆蕪沒車馬起塵沙佳辰
渺難覲誰與揚光華逝將辭氛垢矢志託高遐
道路何嶮巇迴風吹荒涼凌晨振衣起驅車冒嚴霜咄
嗟千里遊沉憂結中腸人情良反覆親戚等路傍親戚
不足恃况復適他鄉

○竹居圖歌

嗟予疇昔嘗種竹竹下閑吟伴幽獨依依相對惟此君
時有清風來謾謾吾廬廢却幾經秋耳絕琅玕聲斷續
聊從壁上覩雲梢素繭淋漓墨氣饒山阿水曲聳高節
百尋之下可結茅苦茗香醪消百慮野客山僧任來去

匡床坐對有琴書吟詩更得江山助世上誰容白眼看
林間自可長箕踞

○歲暮柬張公粲先生

寂寂正思君空庭日又曛一尊開晚色百里眺寒雲
亂襟難合風塵劒易分幽懷憑尺素歲晏好相聞

○讀韋蘇州集

薄暮吟詩卷天寒野菊舒韋公愛禪寂幽懷獨自如
淒清金石奏澹泊林壑居讀罷還蕭瑟山窗夕雨疎

○過玉介園有感寄歌者

廿年歌舞地回首不勝情羣馬雷荒野殘霞失繡甍
春

風空自媚夜月向誰明獨有何哉在相期濁酒傾

○送友人歸赤城和韻作

江城秋色好歸客別情賒一騎朝隨雁輕帆晚帶霞
人從華頂去月傍海門斜渺渺雲迷路仙郎何處家

○寄懷贊臣先生

園林已復報鳴蜩詞客牽情別路遙南垞金尊傾永日
西窗銀燭剪殘宵音諧山水惟招隱思入風雲更反騷
聯榻城隅重有約何當明月一相邀

○閒居漫興

藹藹春雲眺遠村興來盡日倒芳尊
逕開萬竹長臨水

屋繞千峯獨閉門訪衲山中同習靜攜朋松下共清言
飄然更起滄州思擬結鷗盟永不讓

○友人 有郊遊之約予以疾不赴獨居却寄

空庭寂寂晝初昏野外歸雲帶雨痕好鳥雙棲還戢翼
離人獨對更銷魂經時病怯徒高枕長日愁多只掩門
遙憶親朋歡笑地藕花齊放正開尊

○題畫壽苗參戎

削出芙蓉翠幾重墨痕飛處有雲封誰知海上將軍樹
恰是容成五粒松

○送友人訪舊

江郭秋涼雨過時送君西上片帆遲遙知此日竒章幕
盡捲珠簾待牧之

○題畫雀梅

淡月疎風若個邊羅浮香襲墨痕鮮獨憐翠羽啁嘈處
不倩師雄夢裏傳

李棟

號橋堃樂清人康熙歲貢
著有喬堃集存詩五首

西巖寺

梵宇香浮壁嶂西黃羊卧處暮猿啼承趺坐待天花落
鐘磬餘音渡小溪

贈勝國諸生周瑞生

髮髻蓬鬆山裏居歲寒卧擁半床書曉猿夜鶴長爲伴
巖外塵飛不染裾

東湖樵夫

俄聞新詔泣樵夫拌得微軀名也無碧水溶溶千載在
何勞兩處記東湖

東湖烈婦

巾幗叢中一丈夫捐生殉節氏仍無波間幽怨盈多少
知是珠沉尚在湖

林青雲

字龍友號澹我瑞安人康熙甲子舉人著有竹園詩集存詩三首

春日山居二首

寂寂落花落源深深過雨村白雲高掛嶺綠水曲迴門寄
詠梅千片消愁酒一樽小園無客到鳥跡破苔痕
乘興來相訪蓬門長薜蘿徑深入跡少樹合鳥聲多砌
下蘭成畹籬東菊有坡何由消歲月隔浦聽漁歌

謁周恭叔墓

劔履塵封不可追芳山此日動長思賢愚俯仰一抔土
伊洛淵源百世師鴉噪白楊當墓道蟲書紫蘚綴殘碑
停車媿乏蘋蘩獻春草秋花自歲時

黃芳卿

字芄若永嘉人康熙歲貢存詩一首

立夏前一日集江心卽席分韻

留春不住送春歸共渡中川坐翠微曲塢浮香頻入几
薰風吹煖乍侵衣樓臺掩映臨江許花木繽紛遶石城
醉後沉吟詩未就幾回搔首對晴暉

周

泮字魯先永嘉人存詩一首

○長夏偕同人遊仙巖寺

薰風拂拂送行舟眼底林泉興自悠洞口斷雲芳草合
巖巔飛瀑落花流翻來貝葉諸緣靜聽到鐘聲萬慮收
可是三生曾有約高歌此夕且優游

陳振嘉

字智會永嘉人存詩一首

○游江心謁陸公祠悵然有感

輕舟泛新水因為孤與遊稽首禮古佛蓮座踞中川綠
樹晝鳴蟬披襟坐江樓行行過荒祠俯仰思先猷歲時
薦繁芷慚未紹箕裘先曾祖嘗奉祀祠中臨風三嘆息暮雲黯滄

洲

黃朝珪

字信侯永嘉人存詩二首

○秋夜

竹色當秋淨花香入夜研形依燈影立夢與漏聲遷露
冷三更月風號萬壑泉壯懷良不已兀兀且窮年

○西津橋

鼇背依空立憑闌賦壯遊櫓聲隨岸轉樹影逐溪流日

國朝

東甌寺字

卷三十四

七

落千巖暮風迴萬壑秋坐來狂思發長嘯起沙鷗

林公璽

字子漢永嘉人康熙副貢以子敷紫贈修職郎存詩一首

○江心寺訪大雲禪師

誰遣龍宮作梵宮明珠夜夜照長空雲扶雙塔撐蒼漢
霞起千門駕彩虹鷺鷥無心盟可結塵埃有路杳難通
到來不覺忘歸去月上禪關謁遠公

胡

濬

字維深瑞安諸生著有約園詩集存詩五首

○酬三山上人宿蓮峯院

紅樹陰疎事事清祇園坐對足移情鳥呼山月花間影
蟬和溪泉竹裏聲滄海白雲秋不斷碧天銀漢夜分明

新詩賦就知狂喜遙聽寒鐘未四更

○冬日訪息機上人不一遇二首

攜杖巖泉訪遠公長松錯落掩溪東白雲縹緲烟村外
紅葉翻飛隴樹中丈室未隨鵝作伴疎窗唯聽竹敲風
寂寥花下饒清致半嶺斜陽歸塞鴻

霜落楓林溪逕紅鳴鳩呼伴石橋中屏間塵覆東南日
花外香飄西北風不見丹霞燒木佛唯看白足煮秋菘
何人爲演三車法一片寒山萬樹空

○月夜湖上送客之潤州

西冷剪燭話清宵山水知心倩月邀秋樹飄黃金砌岸

夜霜凝白玉成橋雲遮淨寺僧鐘遠風逆錢塘客路遙
鐵甕城邊饒古蹟知君從此泛蘭橈

○春草池

遠樹飛霞接翠微池邊草色淨涵暉晚來山鳥聲多異
似道當年遊客稀

朱賓

字于王天嘉
人存詩二首

○立夏前一日王草堂招集江心寺卽席分賦

近郭名山此最佳招遊何幸得朋儕江浮九斗懸窗畔
塔聳雙峯傍水涯春去殘紅猶在樹雨餘空翠自盈堦
座中有客如王粲好共登樓散旅懷

瓶中梅花

艷蕊穠英妬曉霞秦人洞口一枝斜和烟折到南窗下
好映江郎筆上花

陳作聖

字念若永嘉諸
生存詩一首

蓉江烈母

當年烽火起江陬大義捐生赴碧流不惜黃金給七萃
遂令青簡重千秋冰心皎映芙蓉月玉貌香銷杜若洲
聞道樂成多氣節高風如母迥難儔

林居希

瑞安諸生
存詩一首

旅寓思親

南山有喬木枝葉並蔚森長風樹間起戚戚生哀音哀音久不息動吾思親心容顏不復見暗淚孰能禁風起有時息親去無處尋列鼎憶仲由羊棗悲曾參風木有遺恨監古每傷今旅居失節序遙望白雲深

方

思

字飛文瑞安人康熙壬子選貢存詩一首

○弔陳憲副馬邑令殉節

陳巡道丹赤馬永嘉令界

正氣亘今古浩然塞蒼溟卓哉文信國丹心照汗青君恩既不多勁節真星斗孤忠曠世聞繫公可與友公本股肱儻帝簡巡東甌下車未匝歲鞞鼓動隣州鯨浪乘風至薄城掠且肆叛賊愛身家內變謀相同平日腰

橫金忍焉懷二心反顏事仇敵白晝忽晦陰公心罔挫折滿腔血逾熱誓與城俱亡抗志凌霜雪永令有馬公丹衷日月同一身謀綱常爲臣宜死忠睢陽稱雙烈後先堪頡頏豈曰成令名允矣完臣節我拜儀芳型我哭淚交零報君能若此堪爲臣子經忠義心所結英魂應不滅氣可作山河永把欖槍截爲讀正氣歌黯然聲咽

○王臣法

字蓋公號王屋永嘉人康熙歲貢存詩二首

○初度寓湖心寺同社諸公移尊見訪漫賦

作賦年來愧未工暫依蕭寺學談空半簾樹影雙峰外滿坐湖光一鏡中佳節恰逢上巳日群賢更見永和風

却忘垂老韶華謝喜有芳尊到處同

送鄒文江還金陵將游燕都

幾年聯袂釣甌濱忽聽歌驪別恨新一水浮雲迷去掉
千山明月映征輪楓林坐愛吳江晚柳色行看漢苑春
他日黃金臺畔客可無重念舊游人

方尚惠

字駿侯號丹崖樂清人存詩四首

詠懷二首

聖谷有幽鳥飲啄自忘機羽毛修且潔熠熠多綵輝胡
不巢阿閣荷皇相與飛卑棲而歛翼悠哉能知幾神旺
山澤間樊籠非所歸飛禽會有時遙睇梧桐枝

繁林多綠陰冉冉春已去匏樽挹澗泉酌之消炎慮歲
月何悠悠垂柳已飄絮披襟得迎涼北窓一箕踞抱甕
久忘機廻翔濠濮處泥蟠者天飛我何爲不豫瞻彼凌
雲翮九霄自軒翥思效盧遨遊冷然風作御

游玉甌峰

金飈發幽思躡彼白石山老鶴歸元圃喬木見猿懸絕
頂勢崢嶸安知上有天攬物殊瑰琦白雲瀉丹泉近瞰
山如垤遠睇三島連暮潮蕩秋月踈星挂崖前少和棄
我去玉甌誰炊烟稱觴縱遙情雅歌暢游仙緬邈世路
稀愉樂得自然

華蓋山

拾級登高岨矯若隼之騫誰是同游者捫蘿以黃緣騁
目極天宇雙鳧媚中川亂峰雲稠疊四望室生烟亭榭
望杳渺陽景正中懸川后排空來洪濤躍銀山清磬響
白晝綠竹隱丹泉三生石爛爛五粒松閒閒依依今時
物戀戀古聖仙

何燭然

字爾含永嘉諸
生有詩一首

輓李吳氏

黯黯愁雲白日陰蓉江千尺碧流深金鈿不惜舟中擲
玉質旋看波底沉拍岸怒濤悲勁節橫空冷月照冰心

至今渡口寒風起淚血猶飄楓樹林

王雲孫

字長雲詠子看有白
怡集錄詩十二首

贈羅山隱者

日月忽云邁離思何茫茫古人有神契詎必在同堂羨
君志高蹈逍遙羅山傍青松鬱以茂清泉冽以芳結廬
占幽勝鬢髯雲堆莊欲與共晨夕矯首悵參商

春夜舟飲蟾湖

平湖泛泛木蘭船湖中森森生暮烟暮烟隨風斷復連
轉瞬雲端新月懸牧笛歸牛隔遠阡夾岬垂楊喚柱鷗
落花紛糝撲瓊筵青州酌盡興還綿艤棹仍沾斗十千

城上銅龍忽幾傳那得此夜長如年

○雙溪尋僧

爲愛雙溪好尋僧此再過危樓凌翠壁仄徑入青蘿果
列龍睛盛奈烹雀舌多詩魔降未得待月更吟哦

○爲鄭明府題柿

晉代華林種移來江上村本殊條却合根固實應繁映
日昭新采懸霜脫舊痕肄書堪貯葉不必向慈恩

○秋夕過鵝湖

日落千山紫湖光寫暮秋浮屠鐙影亂斷岫掉歌收苔
滿稀人到荷殘動客愁聯吟猶未已新月又窺樓

○孤嶼贈劉豐門明府

清秋雙鷁到江村萍梗逐君喜共論白鶴雲中常矯矯
水霞天半自軒軒二毛未許間潘岳百里應知屈士元
勝地只今留一宿片明松下暫開尊

○嚴灘晚泊

危灘落日一停棹詞客登臨興自賒尺地已知非漢土
雙臺猶說是嚴家崩濤七里紛如雪怪木千重蔚若霞
應接使人真不暇暫時坐占白鷗沙

○玉甌峰

洞口秋深楓葉丹白雲時拂客衣寒孤峰百丈璘靄繞

仄徑千重蒼翠團何代已爲獅子窟只今猶說羽人壇
參差萬象懸空外盡日憑臨足大觀

○冬夜讀李三閒近作有答

別館淒清夜新詩對雪看一枝梅自放暗裏受香寒

○王昭

畫圖何必問妍媸毳帳生春也遇時若老漢官終不識
至今青塚尚留誰

○秋思

今天寥廓白雲飛人去經年尺素稀孤雁一聲黃葉落
含愁盡日掩荆扉

此首缺字不抄

曉泛

雲滴殘荷曉未歸薰風吹落濕羅衣一羣鷺立危灘白
棹過鷺從水面飛

周天履

字汝樂清人存詩二首

口口口次魯菴上人韻

春風口口口披襟樽酒憑誰吊陸沉兩岍蒹葭愁朔吹
中川烟靄冷禪心僊來有地曾堪借帝出無家此一臨

指宋高宗駐蹕江心千古悠悠流不盡暮帆收處渚烟深

○夜坐用杜魁先韻

起看空山月幾更抱琴間向石床橫一時琪樹生天籟

萬里銀河徹太清
雁宿芰荷香
處穩螢飛衰艸暗
中明
高歌且待東方白
人事朝朝蜂蟻生

黃

驥 字閩友永嘉人存詩一首

○宿江心寺

江天秋色半黃橙
夜擁霜衾傍化城
燈暗松門沉佛影
花飛塔徑帶鐘聲
寒潮漂月鷺沙雁
古樹搖風吼石鯨
我已邯鄲初夢醒
老僧又覓話無生

轉行銘詩錄

燈前梅影七律

一首 存詩

江心寺

宿

江

心

溫州府



卷之二